

DEPORTE

BON DIA

Aruba



ORANJESTAD/REYKJAVIK - Den fin di siman nos a topa cu Sarah-Quita canto di lama, unda e ta relata tocante e periodo cu el a pasa den exterior. Diferencia di tempo y diferencia di temperatura ta loke Sarah-Quita a confronta durante un periodo di 7 siman leu for di cas.

E ta bishita shete pais desde Maui pa Korea. Trabou na cantidad cu diferente meta.

Na Maui e tin cu cumpli cu e fotoshoot pa su sponsor di bela esta Neil Pryde y di su tabla Starboard pa promocion di nan producto di 2016. Siguiyemente e competencia na Korea unda e ta claba su prome victoria di e temporada di competencia di PWA den e disciplina di slalom.

Fuera di competi Sarah-Quita ta embahadora di bon bolutad pa duna eventonan un toke special cu su presencia

esaki tawata e caso na Gruis-san Francia durante e famoso Défiwind Challenge. E evento tawata un reto físico pa e 1200 regatista cu a registra pa windsurf den biento cu ta midi entre 40 pa 60 nudo na momento cu e biento "la Tramontana" cuminsa supla. Durante 4 dia Sarah-Quita ta participa den biento cu forza di horcan y ta enfoca unicamente pa cubri e distancia di 40 kilometer cu un speed di 30km pa ora y sali di lama sin wordo herida.

Banda di esey e ta traha ariba un proyecto cu dos fotografo profesional den cual e ta figura como protagonista unda ta capta e bida di un regatista cu ta windsurf rond mundo ta busca luganan excepcional pa windsurf. Un di su buskedanan ta hiba su persona te

Sarah-Quita Offringa a yega te Island pa haci windsurf



cu Island unda e ta pasa hopi friu ta windsurf den condicionnan artico cu scenarionan di naturalesa manera fjord, seronan di ijs, awa thermal, lagun, y riu cu ijs, cascada di awa y sero cubri cu sneeuw cu ta forma e cuadro di e pelicula Cabey Busha. Pa no perde strea di Noord

Sarah-Quita ta di regreso e dianan aki na Aruba pa relaha, practica y prepara mentalmente pa su siguiente reto cu e bialha aki ta e competencia na Islas Canarias unda e ta participa den e diferente disciplina "Ola" na Gran Canaria y Tenerife y tambe "free-style" na Fuerteventura. □